

經部

欽定四庫全書

經部 春秋本義卷四

幹校官太僕寺少卿 李廷欽

給事中日温常錢覆勘

覆校官中書臣宋枋遠 校對官中書臣陸 謄録監生 臣范光謙 湘

DE 春王正月公即位 / . d. . 於初喪而改元必須踰年者繼文 忍有變於中年也諸侯每歲首父 春秋本義 者因此而改元正位百官 於策桓公篡立而用 程端學 拱

金万四月全書 其故而晏然行即位之禮春秋即其實而書之張氏 禮欲自同於遭喪繼位者戴氏曰桓公志在得國諱 子弟不忍即位也繼故而言即位則是與間乎弑也 曰桓公弑君而立在周禮九伐之法當伏賊殺其親 也〇穀梁日繼故不言即位正也先君不以道終則 共戴天之雠而推戴弑君之贼弁冕南面立乎其位 先君不以其道終已正即位之道而即位是無恩於 之舉令書公即位見周王之無政與魯之臣子忘不 卷四

STATIONAL JUNE 即位之禮則不可得而知矣桓宣雖繼故而亦書即 昭哀五君書即位者受於先君也定公不受於先君 於先君請於天子然後即位以奉天子正朔文成襄 亦書即位者為季氏所立而行即位之禮也莊閔僖 也豈徒因舊史哉各以見義馬耳夫諸侯嗣位公受 不書即位以繼故不行即位之禮也應公非繼故亦 先君也愚案十二公或書即位或不書即位因舊史 不書即位者亦以不行即位之禮也若其所以不行 春秋本美

每月四月百十日 三月公會鄭伯于垂 自不可掩所以戒後世者深矣餘見僖公即位 桓宣有睾之中重有旱馬聖人雖因舊史而其卑惡 位者桓宣事與莊関僖異矣莊関僖之先君見弑於 不書即位哉聖人安得不書即位以見義哉故十二 他人桓宣則弑君自立肆然行即位之禮舊史安得 杜氏曰垂犬邱衛地張氏曰軌篡立而懼諸侯之討 公不問書即位不書即位皆有不請命天王之皋惟

大とりもへらう 賊之義 而規規於尺寸之土分毫之利親去南面之 來之國不能舉大義誅凶逆以正王道以明諸侯討 伯也義又見隱九年會于防○幸老孫氏曰桓公裁 尊而會弑君之賊鄭伯之卑不容誅矣葉氏曰隱公 君之賊天地所不容人人所同誅者鄭與魯同好往 初齊晉猶未强鄭莊公獨雄諸侯及使宛来歸初之 ,我暴弑之人凡民罔不憨而鄭莊首與為會皇鄭 欲外結好以自固鄭亦欲乘此機以求許田故會 春秋本美

金吳世尼全書 鄭伯以璧假許田 後聽遂舎宋而事鄭伐宋入許無不與之同者此桓 劉氏曰周公之己也詩云居常與許復周公之字盖 為路是以并垂之事而失之 好而為越之盟三傳蔽於易材之言而不知許田之 非方伯不得有湯沐之邑非周公不得世享其地愚 假借也璧瑞玉環也公羊日許田者魯朝宿之色也 所畏也是其首求於鄭者較鄭既得路然後始同 卷四

夏四月丁未公及鄭伯盟于越 ここうことして 謂鄭莊以璧歸魯以假為名實求許田朴鄉日氏所 可假也擅假天子之田自恣若此高戊曰先言會于 謂鄭將以要魯而為之辭者也孫氏曰天子所封不 故既與許田又為盟也就君之人凡民罔弗憨而鄭 杜氏曰越近垂地名程子曰桓公欲結鄭好以自安 垂而繼言假許田見鄭伯貪利忘義之甚也 與之盟以定之其皇大矣康侯胡氏曰是肆人欲而 春段本義

致定四庫全書 滅天理等倫紀于弁髦化人類為禽獸聖人所為懼 春秋所以作也義又見隱元年盟于幾〇愚案春秋 即位之禮繼書公會鄭伯于垂繼書鄭伯以璧假許 先書隱公薨而不地以著其見弒繼書桓公晏然行 何俟一字張貶哉 食利黨惡之卑瀕如日呈所謂屬解此事春秋教也 田繼書公及鄭伯盟于越於是桓公弑逆篡立鄭伯

D. 1.1. 1.1. 勝尊也日食亦然皆下犯上賤傷貴逆節也孫氏曰 矣聖人既著其為災之跡又以見當時天下有名災 水不潤下也昔者聖王在上五事修而葬倫叙則休 而為災或害未稼敗廬舎凡為災則書之也水者陰 之實春秋之間一魯國之小而大水者八天下之災 又可勝紀乎〇董子曰水者陰滅陽也陰滅陽者早 也陰之威至於大水而為災則陽不勝陰而陰專威 公羊曰記災也革老孫氏曰大者非常之解水非常 春秋本美

徵應之聖王不作五事發五舞倫教則咎徵應之春 子惟日食與內災則書之外災則或舉一二則天下 秋之世多災異者聖王不作故也然自隱迄哀聖王 水警子者何也曰堯開闢以來水之行未得其歸故 不作久矣天下之災多矣悉書之則不勝書是故孔 堯有憂馬使禹治之然後人得平土而居之耳是知! 并也桓行逆德而致陰沴冝矣或問堯之時而曰泽 之異從可知矣康侯胡氏曰大水者陰逆而與怨氣

多定四库全書

冬十月 一年春王正月戊申宋督弑其君與夷及其大夫孔父 名也前說近是左氏曰隱三年宋穆公疾召大司馬 督大军華父名也與夷殤公名也高氏曰案宋世系 矣 正考父生嘉字孔父孫民曰字者命大夫也劉氏曰 世有人為不善感動天變召水災者必引堯為解惑 天非為堯有洪水之災至禹而後水由地中行耳後

欠にり重とよう 春秋本義

金牙口后名言 賢使主社稷若棄德不讓是廢先君之舉也直日能 孔父而屬赐公馬曰先君舎與夷而立寡人寡人不 賢光昭先君之令德可不務乎吾子其無廢先君之 悔馬對日羣臣顧奉馮也公曰不可先君以寡人為 其將何辭以對請子奉之以主社稷寡人雖死亦無 殤公立十年十一戰民不堪命孔父嘉為司馬督為 敢忘荀以大夫之靈得保首領以沒先君若問與夷 功使公子馬居于鄭宋穆公卒殤公即位桓二年宋

而立殤公之日而成於殤公不務修政以實其國而 者然君弑死於其難處命不渝亦可無魏矣愚謂殤 日孔父為司馬無能改於其德非所謂格君心之非 梁曰孔父先死其曰及何也書尊及早也康侯胡氏 督盖馬之黨也將裁與夷而憚孔父故先殺孔父教 公見弑已兆於宣公舍殤公而立穆公穆公又舍馮 大军故因民之不堪命先宣言白司馬則然已殺犯 久而就殤公名莊公於鄭而立之以親鄭張氏曰華

之1.10 hat 1.1.

春伙本荒

賊事既不果以死繼之君存則與之俱存君死則與 為人臣者或亡國以自存或賣君而苟位滔滔是也 州吁事〇萃老孫氏曰春秋之時見弑之君二十四 死難之臣三人而已犯父仇牧首息當是時天下之 生於時冒白刃投死地以同君之禍皎然不欺其心 之俱死食君之禄立君之朝義不忍與姦臣賊子並 比比馬以伐鄭殺馬為心故及此禍義見隱四年衛 三人者或投萬死以赴君之難或持大義以障君之

大三·〇·日·一·十三 春代本義 忠則盡矣託六尺之孤寄百里之命可謂處命不渝 愚謂春秋書及其天夫孔父非褒孔父也傷世變也 後弑君不言及楚商臣先殺關勃而後弑君不言及 者也苟不然則不書故晉樂書中行優先殺胥童而 矣若舉陳氏曰死節人臣之極致也誼與其君存己 其節最高者孔父也劉氏曰孔父之智則未孔父之 而自得其死所孔子安得不與之乎然而三人之中 何傷世變也名不正而作亂也君不仁而累其臣也

多安四月全書 滕子來朝 事做此 贼弑其君又及其臣也孫氏所謂甚之者是也而說 滕本侯爵而稱子者戴氏曰小國爵·尊而貢重者

多 則是論其未而遺其本矣不可以不辨後仇牧首息 自贬以從其卑春秋從而書之不沒其實也存耕趙 春秋者但褒孔父之賢而不及臣弑君賊賢之大變 氏曰春秋諸侯改恣小國往往自早貶以求客覲禮

文三日祖二十二 莫之與則無以立於世莫敢動於為惡而篡弑之禍 其義乃備來朝見隱十一年康侯胡氏曰春秋為誅 曰程沙随作春秋解説滕子來朝處最好如隱公十 秋之所深惡也義又見聽十一年滕萨來朝〇朱子 亂臣討賊子而作使人人知亂臣賊子之為大惡而 也已不能討又先鄰國而朝之是反天理肆人從春 止矣令桓公以臣弑君為天下之大惡凡民罔弗憨 廢而班爵不得其正滕杞之類是也愚謂二説相無 春秋本美

多分四月全量 來朝先儒為說甚多或以為時王所點故降而稱子 侯卒皆不通之論沙随則謂此見得春秋時小國事 削而書子自此之後滕一向書子置春秋惡其朝桓 侯當時亦不止一滕之可熙或以春秋惡其朝桓特 不知是時時王已不能行點防之典就使能點改諸 而并後代子孫削之乎或以當喪未君前又不見滕 年方書滕侯薛侯來朝如何到桓二年便書滕子 國其朝聘貢賦之多寡随其爵之宗甲勝子之事

Solar Jakin 請侯自恣朝親不常此三國來朝禮多不備或以侯禮 日犯公爵也滕薛侯爵也春秋時把稱公正也稱伯稱 貢賦省少易供之也恐是如此緣後面鄭朝晉云鄭國 男也而使從公侯之賦見得鄭本是男爵後襲用侯禮 子降也嚴薛稱侯正也稱伯稱子降也此蓋周道陵運 方說出此等話非獨是鄭想當時小國多是如此孫氏 以交於大國初馬不覺其貢賦之難辨後來益因於此 魯以侯禮見則所供者多故自貶降而以子禮見庶得 春秋本美

多万四月至書 三月公會齊侯陳侯鄭伯于稷以成宋亂 是平宋亂乃黨亂賊也四國之惡著矣聖人據實錄 賊諸侯上告天子下告方伯殺華督詢可立之君而 而朝或以伯禮而朝孔子從而錄之以着亂也 立之天下庶乎其可理也今不討賊而後書取鼎則 杜氏曰稷宋地成平也宋有弑君之亂故為會欲以 平之愚謂諸侯當討宋亂不當平宋亂宋有弑君之 之為後世有天下國家者之大戒也○君舉陳氏曰

から ラニー・ニー 詳シ 縣総舉凡此類上下相應而見其理愚謂陸氏之論 君大夫以定州吁而州吁記於討令也合四國之君 弑君之褐接跡於天下於是馬始也向也立五國之 即春秋屬辭比事之法非區區一字褒贬之謂讀者 以立華督遂相宋莊弑君之禍接跡於天下四君為 於衛則知逆王命上言成宋亂下言納鼎則知食 也陸氏曰上言代衛次言王人救衛下言衛侯朔 春秋冬尾

重定四库全書 夏四月取都大鼎于宋戊申納于大廟都之大音奉 **鼎賂公齊陳鄭皆有路故遂相宋公取部大縣于宋** 左氏曰會于稷以成宋亂為縣故立華氏也以都大 也穀梁曰曰宋取之宋也張氏曰大廟周公之廟也 者鼎之成自都也若和氏之壁雲和之琴琴之類是 都所造器也幸老孫氏曰縣自宋得之謂之部大縣 杜氏曰濟陰城武縣東南有北部城張氏曰部大鼎 納于大廟非禮也臧哀伯諫曰君人者將昭德塞達 **基**四

Elin In Jan Charles 是乎戒懼而不敢易紀律今滅德立違而置其縣器 昭其聲也三辰於旗昭其明也夫德偷而有度登降 衰冕散廷他項帶裳幅為實統分 然切 無廷的 清廟茅屋大路越席大羹不致菜食不鑿昭其儉也 其度也漂率音解補頂語布孔聲属将經出其數也 以臨照百官循懼或失之故昭令德以示子孫是以 有数文物以紀之聲明以發之以臨照百官百官於 火龍黼黻昭其文也五色比象昭其物也錫鸞和鈴 奉代本義

美方巴居全書 昭達亂之略器於大廟其若之何公不聴孫氏曰甚 馬武王克商遷九鼎於洛邑義士猶或非之而況將 敗由官犯也官之失德龍路章也都照在廟章敢甚 於大廟以明示百官百官象之其又何誅馬國家之 廣 恥畏憚猶欲診神以為功也康侯胡氏日弑逆之 可謂甚矣葉氏曰廟之有器所以尊德不義為之是 之也桓弑逆之人受督弑逆之路以事於周公之廟 間潰其祖○邦衛胡氏曰納于大廟足以知公無

元三日日 ·· 上司 不復稱侯矣去其國之後 七月紀侯來朝知起時爵己非侯之該也及紀七月紀侯來朝死左氏作礼程子曰凡礼稱侯者 賊不能致討而受其賂置于大廟以明示百官是教 義見滕子來朝 駱之行保邪廢正能敗人之國家也亦或知戒矣戴 何誅馬聖人為此懼而作春秋其垂訓後世使知寵 氏曰書成亂於前書取鼎於後惡自見矣 習為減逆叛亂之行也公子牙慶父仲遂之惡又 春秋本芜 1 侯雷

金罗四月全量 察侯鄭伯會于鄧 杜氏曰顏川召陵縣西南有鄧城孔氏曰賈服以鄧 始懼楚也羊老孫氏曰是時楚方僭號欲伯中國祭 蔡地其鄧國則義陽鄧縣是也以鄧是小國去蔡路 為國言蔡鄭會于鄧之國都釋例以此預川鄧城為 遠察鄭不宜遠會其都且察鄭懼楚始為此會何當 鄭國小而逼於楚懼而謀自安之計孔子書之所以 反求近楚小國而與之結提故知非鄧國也左氏曰

S. J. P. sant J. h. . 懼馬不知本此事聽德齊莫能相尚則以地之大小 於信義循天理博信義以自守其國家荆楚雖大何 終春秋之世聖人盖傷之也夫天下莫大於理莫强 陵江漢其後卒屬蔡侯而鄭以王室懿親為之服後 國患宣王盖當命將南征矣及周東遷偕號稱王憑 力之强弱分勝負矣觀諸侯會盟離合之跡而夷夏 見隱九年會于防○康侯胡氏曰楚自西周已為中 見中國衰而荆蠻盛小國恐懼而盟會不暇也義又 春秋本義

金万四月白書 國見王政之不行而無忌憚之甚也〇萬氏曰此年 教祭曰我入之也程子曰 將甲師少稱人內則止云 **礟衰之由可考也** 及戎盟于唐 莫伐而已乃入人伐人是使天下共家其恥也 某代某義見隱二年入向此則弑逆之賊入人 礼八年入都其辭雖器而辜有餘也夫桓弑君莫

冬公至自唐 義見隱二年盟于唐 有常節出入有常期周衰以後無法妄行征伐會盟 劉氏曰君行其至必書於法當然也古之諸侯朝會 而告至常事爾何以書誌其去國衛時之久也常 康侯胡氏曰凡為人子者出必告反必面事亡如事 紛紛四出棄社稷委人民往往越月踰歲而後得返 存故君出必告廟反必真而後入禮也出必告行反 奉沙本民

到定四庫全書 觀其所書而其亂自著矣愚謂亦有未踰時而書至 爾朴鄉召氏曰其或不書者史闕之也一出而二事 會盟侵伐莫非不正而亦以告廟則非所以事其祖 者盖諸侯動必以正然後有以告於宗廟而書至今 至自穀定八年公至自瓦十年夏公至自夾谷四處 也後做此〇年老孫氏曰春秋書至者皆致其所出 致或致其前或致其後致其重者也 之事以地至者四而已此年公至自唐文十七年公

三年春正月公會齊侯于高殿者 華老孫氏曰秋七月遂有公子暈如齊逆女之事是 紀自與齊侯會而成婚非禮也張氏曰亂臣賊子與 齊之東南邑左氏曰成婚於齊也杜氏曰公不由 杜氏曰觀齊邑泰山觀縣張氏曰所謂觀博之間盖 會而為婚著齊侯之辠也義又見隱九年會于祊○ 於未婚之前而為此會也婚禮有六皆稱父兄之命

Jedonal Jedin

以遣使者所以養廣遠恥示萬世之嗣不可輕也今

春秋本美

<u>*</u>

夏齊侯衛侯骨命于消 桓公不由介紹之命媒妁之言身至齊境以與齊謀 於齊以遂終篡夫婦人倫之大而請婚其始也動不 已之婚醜惡見矣存耕趙氏曰桓畏不義之誅申好 垣縣古浦邑劉氏日齊太公之後東州之侯也衛康 氏曰浦衛地在陳留長垣縣西南張氏曰開封府長 君舉陳氏曰胥命者交相命也宋氏曰莫相下也杜 **顧義取輕於齊終之以文姜之禍不能謹其始也**

好定四月全書

六月公會紀侯于成今依在子作化鄉左氏枝果作鄉 Je Donal). Lim **郕見隱五年范氏曰鄭魯地恐非張氏曰紀與魯親** 羊作威令 牧有連帥命於天子正也自相命非正也○存耕趙 晉不能作周孚先朝京師以聽王命乃胥命于蒲 氏曰王言作命臣下禀令命自上出者也以諸侯而 命諸侯世道之變也周室雖衰天命未改齊禄父衛 叔之後北州之侯也以事 相命也古者有方伯有州 穀作鄉 春秋本義 + +

到厅四月全書 秋七月壬辰朔日有食之既 國服小國著得意也天下無王而亂人得意如此 而求援於魯以抗齊鄭故桓公因其二年來朝而與 無歲不與諸侯盟會結外援以自固也許氏曰姻大 呈時選 李月光故月食日月同會月掩日故日食食 此則食之既天變尤大耳〇杜氏曰歷家謂日光以 教梁曰言日言朔食正朔也既者盡也義見隱三年 /會也義見隱九年會于防○程子曰自桓公篡立

大江日日十十十十二 公子單如齊逆女 或曰王命也陸氏曰女交姜也啖氏曰暈以公子丙 者四阶以違禮失常也莊書公如齊逆女不正公親 高氏日晕至此稱公子者桓公命為鄉故也張氏日 日光溢出皆既者正相當而相掩問疏也 逆也桓書公子學逆女宣書公子遂逆女暈桓公之 行婚禮尤不可也〇葉氏曰魯諸公十有二見逆女 有上下者行有高下日光輪存而中食者相掩 春秋本義

金分四個白書 兄弟弟而家道正魯之亂有如慶父仲遂之殺嫡者 嫂也成書叔孫僑如逆女僑如成公之族叔父叔孫 弟惠公之子遂宣公之弟文公之子不正其以权逆 有如僑如之讚其君於伯主而止之者皆自其家失 姓者主之主之以敵大夫可也逆之於他國不可也 得臣之子不正其以尊逆平也古者天子嫁女乎諸 天下之本在國國之本在家文文子子夫夫婦婦兄 侯以諸侯同姓 者主之諸侯嫁女乎大夫以大夫同

をこうつ rat 1. 4.5 九月齊侯送姜氏士謹公會齊侯士謹四端 送女父不下堂母不出祭門諸母兄弟不出闕門父 禮也康侯胡氏曰為齊侯來乃逆而會之于雜是公 戒之曰謹慎從兩舅之言母戒之曰謹慎從爾姑之 杜氏曰謹魯地濟北蛇邱縣西有下謹亭穀與曰禮 言諸母般中之曰謹慎從兩父母之言送女喻竟非 之行其重在齊侯而不在姜氏豈禮也哉○邦衡胡 春秋本義

多好四月全書 夫人姜氏至自齊 以啓之 觀姜氏會雜之書則知姜氏失行之所由實桓公有 日會見公因會齊侯而受姜氏耳張氏曰聖人制禮 大婚而正人倫之始春秋所以書之也存耕趙氏曰 不可過不可不及僖公之送桓公之會皆非所以正 氏曰公果親逆自當書逆女必不曰會齊侯也此直 邦衡胡氏曰易曰漸女歸待男行也女歸必待男乃

書姜氏至自齊以見公會于謹本非親迎非易待男 禮之幾實為後日文姜淫亂桓公見殺起也盖齊家 誰次書公會齊侯于謹又書夫人至自齊雖各有失 也康侯胡氏曰禮者所以别無明微制治於未亂不 可不謹也娶夫人國之大事故詳之〇愚案先書公 行夫人姜氏不與公俱至故先書公會齊侯于誰次 會齊侯于贏次書公子暈逆女次書齊侯送姜氏干 之義也穀梁曰不言暈之以來何也公親受於齊侯

天(三日百户/·上方 · 春秋本美

宇

金月口厚 全書 有年 冬齊侯使其第年來聘 之道不一正其始終必有莫大之禍屬解比事履霜 義見隐七年 勤民務農若是也康侯胡氏曰桓宣享國十八年獨 有年者是未當有年也書者所以見桓公為國不能 **教梁曰五穀皆熟為有年孫氏曰桓十八年惟此言** 乙戒深矣

1.1.10 lat).1.5 故此書有年以見其餘未當有年五穀關熟而無全 所謂天地位萬物育於範所謂五事修而休徵應也 洪範所謂五事不修而各徵應詩所謂天降喪亂降 春秋之時人事亂常陰陽再戾四時錯令風雨不時 大旱大水螽螟蝝蜜無冰木冰殺敘李梅實可見矣 此蟊賊稼穑卒痒者也故五穀傷耗荒涼鮮薄觀夫 此二年書有年他年之數可知也〇愚謂至治之世 人事順陰陽和四時序風雨節未有無年者也中庸 春秋本美

四年春正月公符于郎 熟也豈特桓宣而已哉 獸生育當擇取之故蒐冬物既成可属守取之故村 且狩有常所令當春而狩不時也遠狩于郎非所也 氏曰郎令之單父魯臺地近宋愚謂春蒐夏苗秋稱 冬狩各以其時見於周禮爾雅左氏者許矣春月禽 不時非所害物多矣不仁甚其聖人書此為後世戒 公羊曰狩者何田狩也冬曰狩郎見隱九年木訥趙

人かいりゅんしゅう 狩之常處也含之而于郎非地也孫氏曰狩冬田也 是其諸國各有常行之處也違其常處則犯害居民 天子諸侯四時必田者盖安不忘危治不忘亂講武 改書地以幾之存耕趙氏日狩必有籔澤魯有咸邱 侯必於封內擇隙地而為之如鄭之原圃秦之其囿 民多地狹惟在山澤之間乃有不植之地故天子諸 之則書以示議也李氏曰田狩之地須有常者古者 〇啖氏曰蒐狩合禮者常事不書非時及越禮而為 春秋本義 Ī

金江区屋 人看 **盛長有禽獸害苗則田馬言其為苗而田也秋謂之** 孫氏日春謂之鬼者方春之時禽獸孽尾生育之際 荒也妨於農惟暴也殄於物此聖人之深戒也革老 時殺必由禮田不以時謂之荒殺不由禮謂之暴惟 经而教民戰也直徒肆盤遊逐禽獸而已哉然禽獸 不可盡殺慈言其擇取之也夏謂之苗夏之時田苗 之事次以除稼穑之害下以訓軍旅之事故田必以 多則五穀傷不可不捕也故田以捕之上以供宗廟

也周室既衰斯禮不講既不以時又不以禮其傷民 所謂四時之田不傷民不害物以示天下之孝與武 性故在田之以時也中春教振旅遂以蒐中夏教发 則歲田馬田者用民以訓軍旅也取物以祭宗廟也 守也冬物果成可以園守而取之也天子諸侯無事 然而用民不以制則傷乎農取物不以禮則物害乎 稱時方肅殺可以順天時而殺物也冬謂之矜狩猶 舍遂以苗中秋教治兵遂以稱中冬教大閱遂以狩

九二つ戸ニュ

春秋本義

金云四月全書 夏天王使军渠伯糾來聘 讓不時不禮也康侯胡氏曰春秋必書謹於機之意 無有之啞稱名者以士也伯糾稱字者大夫也程子 子大夫例稱字邦衡胡氏曰案周有六官大者曰家 害物莫此為甚故春秋於魯五書其蒐三書其狩皆 军小者曰小军曰军夫小军爵大夫军夫則大夫士 杜氏曰掌官渠氏范氏曰伯糾字也康侯胡氏曰天

たこりまたさる 隠七年凡伯來聘○羊老孫氏曰桓公弑君自立天 使其幸聘之示加尊麗天理滅矣人道亡矣義又見 曰桓公弑其君而立天子不能治天下其能討而王 於若父之雖窮天而不報也本的趙氏曰王臣下聘 知周之自取微弱也补鄉召氏曰不書秋冬闕文 者八聘允者獨三允之皋尤著而周之聘尤亞以是 下大惡之人然常恐懼見討於當時今天王之军聘)則是成桓公就君之皇而使孤臣孽子合愤忍痛 春秋本花 五

金元 巴尼 生言 五年春正月甲戌 孫氏曰闕文也盖甲戊之下有脫事爾陸戊曰傳云 闕其事 僖二十八年書士申而不繁之月 桓十年書 十四年書夏五而闕其月莊二十二年書夏五月而 西畴崔氏曰桓四年七年無秋冬定十四年無冬桓 郭公仲孫忌與凡日食而不繁日者皆闕文也 五月而不繫之夏昭十二年書十二月而不繫之冬 公疾難作此文亦據陳國史而記之驗此則甲戌下

- C. JOIG J. L. 夏齊侯鄭伯如紀 已五陳侯鮑卒 陸希聲曰自此適彼曰如愚謂如往也齊鄭欲減紀 當記陳作作亂之事全簡脱之爾劉氏曰或曰陳侯 故往窺其形勢虛實也程子曰齊為諸侯而欲為賊 義見隱三年宋公卒 於鄰國不道之甚鄭伯助之其辠均矣○萃老孫氏 之弟伦殺陳世子免云爾未詳是否 春秋本美 荳

多员四月全書 噬小國為事自隐三年石門之盟至桓十一年惡曹 曰春秋之時齊鄭强大而紀最小不能當齊鄭百分 都入齊而紀亡矣張氏曰春秋之時齊鄭合謀以香 自免於難而卒不能止齊鄭食噬之心至莊三年以 今又相與謀紀自二君謀紀之後紀侯多為計以謀 之盟二十年之間二國為一伐宋取都防入鄉入 也故桓十三年之戰而莊元年遷其部部部三年以 此紀侯之朝事不暇者而齊鄭往馬有以規之 許

えこうらした 天王使仍叔之子來轉仍我果 國之由 莘老孫氏曰仍叔夭子之大夫仍姓 叔字也君 舉陳 都入於齊四年紀侯去國然後快於心故春秋之初 已乃包截禍心以圖之亦異於典減國繼絕世之義 迹所以深 誅之也康侯胡氏曰小國恃大國之安靖 矣故夫子存而不削以著齊人減紀之阜明紀侯去 小國困於强暴者二君之學居多春秋詳其相與之 春秋本美 芜

金月四月全書 朝廷官爵為已私援引親黨分據要塗施及童稚賢 見使則非公選而政由是敗矣周之衰小人得政視 重於尹武也康侯胡氏曰卿大夫子弟以父兄故而 夫之子子弟預國事敗其政矣況聘弑逆之賊子義 戊曰仍叔之子非見大夫也愚謂使仍叔之子者仍 叔為大夫因使其子為使也聘使不使大夫而使大 者退處於華門身老而不用公道不行然後外題侵 又見隱七年凡伯來聘〇萬氏曰不稱氏者世權不

Dr. Joint J. L. 聘弑逆之贼其使仍权之子則一事而無見者也盖 威柄既去惟有區區之恩意爾愚謂此事大旨在下 煩盖王綱解紐侯度放給周空魯以夾輔之舊職故 陵國家何覆雖有智者不能善其後矣春秋書武氏 居公選之地以敗亂其國家欲其深省之也存耕趙 頻年而加禮馬桓逆賊非可望以大義也用見王宝 氏曰渠伯糾來聘矣仍叔之子復來何王室之不憚 仍叔之子云者戒後世人主徇大臣私意用其子弟 春秋本義 デャナー

城祀丘 金云四盾全書 **葬陳桓公** 政政之弊也以漸竈弑逆之賊則亂臣賊子不旋踵 子弟預國政其福進龍弑逆之賊其福建子弟預國 髙氏曰不書月史失之義見隱三年葬宋穆公 孫氏曰祝邱魯邑義見隠七年城中邱〇高氏曰莊 而接跡於天下矣 二十年夫人會齊侯于祝邱是齊魯兩境上邑也齊

たにりましたか 秋蔡人衛人陳人從王伐鄭 質於鄭公子忽為質於周王前周人將界號公政四 東菜召氏曰天子得用諸侯之師故不曰以而曰從 月鄭蔡足帥師取温之麥秋又取成周之禾六年鄭 王卿士王貳於魏鄭伯怨王王曰無之故王子狐為 以桓已暴逆奪民之力則旱蝗應矣未詳是否 將襲紀公徒助紀畏齊之來討故非時城此以備之 王臣聽君之辭也隐三年左氏曰鄭武公莊公為平 春秋冬花

金四四四百十二 代鄭未詳信否陸戊曰三國之君不行而使做者從 士於問桓五年王奪鄭伯政鄭伯不朝秋王以諸侯 伯如月始朝桓王王不禮馬八年號公忌父始作卿 王不待辨而早見者也葉氏曰古者諸侯有旱方伯 享英敢不來王諸侯不能服而王親征王亦病矣○ 征之方伯不能服二伯征之二伯不能服而後王親 王無旱乎天下有道諸侯六年五服一朝莫敢不來 征之諸侯而至於王親征之無以立於天下矣然則

大害 早見記災也存耕趙氏日孟夏建已之字祈敕之常 也他月之雾以早而祭也程子曰大雾字于上帝用 以加宋 魯誰曰非天討乎 下大惡人理所不容也則遣使來聘而莫之討鄭伯 不朝貶其爵可也何為憤怒自將以攻之也移此師 康侯胡氏曰桓公弑君而自立木督弑君而得政天 公羊曰大雩者何早祭也然則何以不言早言雩則

とこつりしょう 本代本義

二九九

金好四月全書 威樂也胡氏曰案禮天子零于上帝諸侯零於山川 雩者二十一諸侯旱而雲禮也大雲於上帝非禮也 書四月而大害者建午甲申之月早祭則書故書 賈氏曰言大别山川之雪諸侯雩上帝於是季氏旅 日建己之月常祀也常祀不書故二百四十二年無 泰山矣 今魯為諸侯而雪於上帝借孰甚馬後做此○孫氏

たいり目 1十二 冬州公如曹 邑者也孔氏曰曹國伯爵姬姓文王子叔振鐸之 禁氏日州公家内諸侯王之上大夫也天子三公曰 書螽十一 意與書與同○程子曰既早又蝗饑不在書也春秋 程子日蘇蝗也夾漈鄭氏日古日螽今日蝗公羊 記災也愚謂益者乖戾之氣所生也生則害五較大 公常為公而食其邑者亦曰公州公常為公而食其 春秋本義

手

我好四屆全書 夏四月公會紀侯于成教操作鄉 六年春正月夏來 蹇來孫氏曰闕文也 紫戊日貳君也 臣也議其外交故書之大意與隱元年祭伯來同〇 在唐為曹州宋為與仁府濟陰縣趙氏曰州公者王 也武王封之陷邱杜氏曰曹國濟陰定陷縣張氏曰 杜氏曰成魯地在泰山鉅平縣東南左氏曰紀來諮 卷四

文記の時人はある! 秋八月去午大閲 侵伐自此無已經書之所以見强國暴恣而小國微 弱奔走不暇以救其危者也義又見隱九年會于防 故求魯而公會之華老孫氏曰其後齊終并紀會盟 謀齊難也黄氏曰齊欲圖紀紀魯甥也以魯婚於 非諸侯之所得為也況以秋八月行之康侯胡氏曰 ○張氏曰此與二年書其朝三年會于即同古 左氏曰簡車馬也戴氏曰仲冬殺兵名曰大閱大閱 春秋本美 主

金月四月至書 書 閱大意皆議其僭天子之田也舉魯則諸侯之假可 夏教发含中秋教治兵中冬教大閱又因以行田雅 子諸侯之田其禮異矣周室既徼諸侯不道故書大 比於三時最為磁大蓋當中冬之月田事已畢農功 下大綏諸侯殺則下小綏王執路鼓諸侯執賁鼓天 知矣羊老孫氏曰周禮大司馬之職中春教振旅中)禮蓋王者一事不無數者不為也然而大閱之禮 八月不時矣書大閱非禮矣O孫氏曰天子殺則

忘宗廟之事皆不可忽故田獵以四時皆以習兵教 諸侯有一國雖尊甲大小之不同軍旅之事皆不可 間隙之際又禽獸威長取而無擇故也天子有天下 其時則非也劉氏曰大閱之禮虞人來野百步一表 戰取禽獸以供祭祀也但諸侯而行天子之禮又非 右和車徒紅和表務獲食不越逐不面傷大獸公之 以旗致民選車徒命旗物辨鼓鐸會器械三鼓而行 二鼓而趨三鼓而走不用命者殺無赦置旗以為左

1. 10 1al). his

春秋本義

羊

多方四月全量 革不足大合國人而閱之籍其不可用者以補卒來 於是為甚此說未詳是否 民戰至於倉卒之間乃欲驅市人以戰爾残民毒東 之関故曰大聞明年焚咸邱又明年代都平時不教 氏日古大阅义以符令不言狩則知非古矣桓以兵 小獸私之冬事也秋與之非正也厲農甚矣那衡胡 左戊曰陳厲公蔡出也故蔡人殺五父而立之五父 段陳化

1.10 mil 1.1m 戊之下趙氏謂當記陳作作亂事豈其然乎然不可 鮑卒代殺太子自立蔡人誘而殺之經無所見程子 即陳伦也孫氏曰稱人以殺討亂賊也先儒言陳侯 之惡人皆得而誅之書祭人見殺賊者衆人之公也 曰伦殺太子自立不能有其國故書曰陳伦伦天下 **未詳是否〇愚謂春秋有一事見一義者不必無首** 也蔡人殺陳伦事之尾也而首不經見五年正月甲 尾其餘有首必有尾有尾必有首所謂屬辭比事者

春秋本義

ŧ

多分四月全意 九月丁夘子同生 强解矣 志之竹隱趙氏曰生子不書此何以書穀梁所謂疑 子桓公子文姜所出即莊公同其名也穀梁曰疑故 故聖人因其生也正其名而書之高戊曰齊襄文姜 子也府嗟所謂展我甥今者亦詩人據時人之言也 故志之者得其説矣盖方是時皆以子同為齊侯之)淫亂盖在同生之後當同之生齊魯未嘗亂也莊

文三日年一十二十二 冬紀侯來朝 見愚謂自此可考莊公三十七歲而始得娶則此又 與夫人如齊則莊公誠非齊侯之子亦穀梁之意也 以明非齊侯之子此詩人之徼辭也案春秋桓三年 展我甥兮有曰姊妹之子曰甥稱其為齊侯之甥又 為莊二十四年公如齊逆女起文也〇案末子釋詩 天人姜氏至自齊六年九月子同生十八年桓公乃 夫婦男女之分慙德多矣不書其生則事不 春秋本美 孟

七年春二月已亥焚咸丘 焚山林程子曰古者昆蟲蟄而後火田去莽翳以逐 地康侯胡氏曰焚咸邱焚林而田也月今曰仲春母 杜氏曰咸邱魯地高平鉅野縣南有咸亭朱子曰咸 不能保其國宜矣義又見隱十一年滕薛來朝 邱魯地之近齊者貫道王氏曰咸邱即鉅野郎之近 程子曰紀侯懼齊侯来朝以求助不能上訴於天子 近赴於賢侯和輯人民效死以守而殺求援於魯桓

夏穀伯綏來朝衛侯吾離來朝 宿皆爱物之意也推此心以及物至於鳥獸若草木 豊容焚林而田邪○康侯胡氏曰易稱王用三驅在 禮天子不合圍諸侯不掩羣夫子釣而不網弋不射 其廣之甚矣戴氏曰仲春之月蟄蟲已除萬物孳生 孔氏曰世本節曼姓穀不知何姓杜氏曰穀國在南 格無淫獵之過矣 禽獸非竭山林而焚之也云焚咸邱如盡焚其地見

というにはして

春秋本義

到云四月全書 年春正月已卯然 減於楚也不書秋冬與四年同 篡裁之賊以覲免難難以為智矣宜其不旋踵而卒 朝〇或謂穀鄧見逼於楚而朝魯所謂小國附從不 愚案二君書名未詳疑美文義見隐十一年滕薛來 鄉筑陽縣北張氏曰後屬襄陽府穀城縣鄧即鄧州 暇以救其危者此之無故而朝篡弑者其學為輕曰 國前見逼於楚宜莫如孟子告滕文公之法而朝 卷二四二 文三日日 本秋本花 官大司馬然以仲冬吕氏曰宗廟之禮有常非大皆 梁曰烝冬事也春與之志不時也○康侯胡氏曰周 稀非禮也其他有事者二大事者一從祀者一皆非 者、礼者國之大事君臣上下神而用之欲人知孝敬 祀禮之正也桓之然者再當者一皆清禮不敬之大 不書惟失時及失禮之大乃書存耕趙氏曰魯之郊 之實為君親之義難矣黄氏曰穀梁曰烝冬事也春 公羊日然冬祭也春曰祠夏曰初秋曰當冬曰烝穀 卖

與之志不時也趙氏曰周雖以建子為正至於祭祀 巡村杰享猶自夏馬盖無可改之禮聖人無謂冬為 則用夏時本月以行四時之祭胡氏曰夏數得天百 春之事商之建且以異於夏周之建子以異於商皆 以革命改整一人心故以此月為歲首受朝餐耳其 王所同其商周革命改正示不相沿至於敬授民時 建首之為十二月 建子之為十一月固自若也建卫 廷子之為冬建寅而後為春固自若也聖人作春秋

大三日事人 十 時孔子亦初非改周制也自漢儒有三正之說杜氏 議之令以夏時參之未見其有非時者若此所謂正 日之冬每於繫時繫月之事随事生說以為非時而 書春王正月夏四月秋七月冬十月正以順天時正 正而何哉 有周正月今十一月之說諸儒遂以春秋之春為今 月烝正以烝乃冬祭春正月行之非禮爾春秋非夏 人事所謂行夏之時見之行事者也周實未當改天 春秋本美 三十 七

金百匹月至書 天王使家父来聘 杜氏曰家父天子大夫家氏父字何氏曰家采地也 篡人得志也〇存耕趙氏曰五年之中周三聘魯古 春秋一切書之所以見不能討惡而王道之衰遂使 天子中大夫氏采故稱字不稱伯仲也未詳孰是革 至天子之庭魯之卑将馬逃春秋書之傷周責魯之 者七年一聘周則過矣六年一朝自隱至桓未當 老孫氏曰桓公大惡之人也而五年之間來聘者三

200 mil 1. h.s 夏五月 丁丑烝 神将以寧神適以瀆神羊老孫氏曰祖父至尊神明 成再然馬祭之瀆也而桓公行之将以事神適以慢 而又烝乎〇存耕趙氏曰夏而礿禮也烝非其時也 子之祭也敬而不黷戴氏曰正月然已非時況五月 穀梁曰然冬事也春夏與之黷祀也志不敬也公羊 日常事不書此何以書幾亟也亟則騎騎則不敬君 意隐然矣 春秋本義 美

多分四月子書 代衛此則弑逆之賊而以代人見王政之益衰也〇 革老孫氏曰不言即師做者伐之也義見隱二年鄭 至幽而以非禮瀆之聖人所以深鼻也 **颜至是遂伐之其曰伐都必有辭馬都不能奉辭以** 從之故紀郎鄧穀勝把或朝或會惟都恃舊好而不 髙氏曰桓自弑立恃其强惡以陵小國小國皆畏而 討桓公弑逆之皋宜乎其反見伐也

とこうここと 祭公來遂逆王后于紀 冬十月雨雪竹切 聖人恐未必誣天而易秋為冬也存耕趙氏曰人事 黄氏日諸家多以冬十月為今之八月雨雪非時 戴氏以夏正冬十月言理亦未當不明嘻果八月也 而雪所謂乖 氣致異也 病乎天然後天變亦乎人桓之惡德上十天和未 戴氏曰孟冬之月陰氣始凝而驟雨雪陰氣風也〇 春秋人艺艺


金云四月全書 其不度王命而輕天下之母也張氏曰天子雖無親 廟以明進后之重今使魯為媒而因是往輕褻王配 迎之禮然祭公謀於魯則當復命於王然後遣於宗 命逆后而至魯先行私禮故書来以逆后為遂事責 日因而成事也公羊曰大夫無遂事程子曰祭公受 如此何以示正始之道哉二說未詳熟是若當時天 公食采於祭者也穀梁日遂繼事之解也存耕趙氏 公羊曰祭公者天子之三公也華老孫戊曰天子三

逆之何以書以遂事書之也劉氏曰三公者父師之 有從命之皐耳〇胡氏曰案禮天子不親迎使上公 子使之來魯而又使之遂逆后則過在桓王祭公特 以卿而公臨之祭公逆后非矣與劉氏同胡劉二 任也坐而論道使之逆女非正也禁氏曰天子逆后 **吓未詳孰是**

とこうき ことう

春秋本義

四十



欽定四庫全書 九年春紀季姜歸于京師 春秋本義卷五 季字姜姓也前年祭公所逆王后也戴氏曰方其逆 吕氏曰史失季姜歸月春秋不得而增益也杜氏曰 父母家言之也歸見隱二年公羊曰京師者天子之 也稱曰王后自王命言之也及其歸也謂之季姜自 桓公 程端學 撰

とこうき とき

春秋本義

金 定 匹 库 全 書 言之高氏曰古者后夫人必取嫡女天子求后於諸 居也京者大也師者衆也天子之居必以衆大之辭 伯姬歸于紀則权姬為之娣今曰李姜則非嫡矣不 侯對曰夫婦所生若而人若姑姊妹則曰先君之遺 後可以配至尊成内治為宗廟社稷主今紀以畏齊 可以母天下春秋書之以防後人猶有果人為后者 女若而人於諸侯則曰不腆先君之嫡若而人是以 〇愚謂王后為天下母必擇諸侯嫡女窈窕貞淑然

秋七月 冬曹伯使其世子射姑來朝 射音亦又音夜 夏四月 為君子惻怛之心也 姪娣上下皆非正義明道之舉嗚呼春秋之作所以 而謀納女魯以弑賊而主之桓王亦乗機而娶紀之

大心口更 在

春秋本義

攝其君則下其君之禮一等未誓則以皮帛繼子男

康侯胡氏曰案周官典命凡諸侯嫡子誓於天子而

金分口尼白書 位姦之窺也危病邪之何也世子君之貳也君疾而 禮本無時曹伯既有疾何急於朝桓使世子攝哉大 **儲副出啓窺何之心危道也踰月而終生卒其有疾** 請侯朝於天子有時而不敢後故老疾者使世子攝 世子固有出會朝聘之儀矣然攝其君繼子男者謂 命矣孝子盡道以事其親者也不盡道而茍焉以從 明矣而使世子來終生之過也世子將欲已乎則方 己事以見天子急述職也諸侯閒於王事則相朝其

欠三可見 三 年春王正月庚申曹伯終生卒 曹伯之使世子春秋所以直書而深青之戴氏曰使 所以多子禍也 以已矣則是放命也張氏曰春秋以討賊望諸侯今 道待其子以内為失正也内失正曹伯失正世子可 不幸未還而曹伯卒則國非其國也劉氏曰此後世 禮而來朝曹伯失正矣諸侯相見曰朝以待人父之 為孝又焉得為孝乎○穀梁曰使世子伉諸侯之 **春秋本義**

金只四月全書 秋公會衛侯于桃丘弗遇 夏五月葬曹桓公 義見隱三年葬宋楊公 義見隱三年宋公卒 朴鄉召氏曰衞不信也吕氏曰春秋之世專計利害 獨往而不相遇也趙氏曰書不遇者見諸侯之無信 東南有桃城衛侯與公為期中背公更與齊鄭故公 公羊曰會者期辭也杜氏曰桃丘衛地濟北東阿縣 表. 冬十有二月丙午齊侯衛侯鄭伯來戰于郎 其身不正而輕躁妄動求應於五五應在二而弗見 黄氏曰即之戰兆此 躁妄動為人所棄正如屯之六三聖人為萬世戒也 後語定其交而後求夫桓公身負弑逆之舉而又輕 納聖人戒之曰君子幾不如舎往各繫辭曰幾者動 之微吉之先見者也君子安其身而後動易其心而 不顧義理如此 0 髙氏曰在易屯之六三以隂居陽

17. In ... / ...

春秋本義

敏定四库全書 衛〇康侯胡氏曰魯桓弑立天下大惡人人所得討 戰為文則彼曲我直其義坦然義又見隱二年鄭伐 魯者為不少矣未有書來戰者此不言侵伐而以來 郎見隱九年程子曰來戰于郎三國為主劉氏曰外 濟其姦曾不能修方伯之職駐師境上聲鼻致討伸 為志乎此戰也常山劉氏曰春秋之中諸侯加兵于 天下之大義也今特以私忿小怒親帥其師戰于魯 也鄭伯則首盟于越以定其位齊侯則繼會于稷以 表.

十有一年春正月齊人衛人鄭人盟于惡曹 境尚為知類也哉愚謂魯衛兄弟之國齊魯累世之 亂聖人比書其事為後世鑒 閒隙則忘親背盟與兵軍戰此春秋之時所以為大 姆桓公又新娶于齊魯鄭當會盟假田以締交一有 天子大夫專盟是無諸侯王綱之壞極矣聖人所尤 也未詳是否社氏曰惡曹地闕愚謂諸侯專盟是無 二國稱人微者也吕氏曰盟我不與也其曰人不詳

Carried Like

春秋本義

多片四周全書 秋七月葬鄭莊公 夏五月癸未鄭伯寤生卒 義見隱三年宋公卒 其勢相召也 有大夫發權交政之惡則又有陪臣執國干上之禍 惜也義又見隱元年盟于蔑o劉氏曰齊衞鄭相與 會盟而君不行委之大夫春秋正本謹始知其後必 杜氏曰三月而葬速義見隱三年葬宋穆公 卷五

九月宋人執鄭祭仲突歸于鄭鄭忽出奔衛 出即属公也忽莊公嫡子鄧曼所出即昭公也葉氏 蘇氏曰名也前說近是愚案突莊公庶子宋雍姞所 陸氏曰執大夫例稱人愚謂義不在人而在執略之 未踰年不稱鄭伯愚案居喪未踰年之君稱子今不 曰凡出奔者皆書名蓋迫逐者必有與之爭國者內 之辭也康侯胡氏曰祭仲鄭之命大夫祭氏仲字也 君外亦一君不名無以為辨後做此邦衡胡氏曰

大三日巨白

春秋本美

宋雅氏女於鄭莊公曰雅姑生属公雅氏宗有龍於 莊公莊公使為卿為公娶鄧曼生昭公故祭仲立之 解祭仲日必取之君多内龍子無大援將不立三公 宋莊公故誘祭仲而執之曰不立突將死亦執厲公 子皆君也弗從夏鄭莊公卒初祭封人仲足有寵於 是也左氏曰鄭昭公之敗北戎也齊人將妻之昭公 稱子未詳大凡出奔者多不書子與野如曹騙之類 而求縣焉祭仲與宋人盟以厲公歸而立之秋九月

金分口是白雪

大いついる ハルー 見矣の陳岳氏曰忽太子也兄也正也突公子也弟 天子方伯不修其職以致姦猾肆行而無所忌舉可 後禍與鄭忽不能君舉朝無忠臣而廢置如反掌與 死節以輔正三者鼻大悪極矣然鄭莊之多龍以遺 孽謀篡宋莊私突執祭仲奪嫡立庶祭仲執國柄不 君難臣道也今立惡而點正惡祭仲也愚謂突以庶 也非正也忽既立則祭仲之君以君臣之義顛則扶 了亥昭公奔衛己亥属公立殼梁曰權在祭仲也死 **酢** 肤 本 義

柔會宋公陳侯蔡叔盟于折 金月四月全書 孫氏曰蔡叔蔡侯之弟叔字也諸侯母弟未命為大 之危則持之力不足則死之又知突在宋非會非聘 夫者皆字朴鄉吕氏曰折魯地義見隱元年盟于蔑 為宋所誘其無謀甚矣往而被執不能死節歸立厲 合黨以敵之於是結宋與陳蔡要言歃血初無忠信! o張氏曰自去年曹與齊衛為仇敵至今年桓公欲

公會宋公子夫種夫音扶鍾公年作童 而屢盟以長亂會者諸侯所不得專而數會以厚疑 杜氏曰夫鍾郕地義見隱几年會于防o康侯胡氏 足以恃矣 誠慰相與之心又以再命大夫敵宋公陳侯故盟不 曰臣與宋公盟于折君與宋公會于夫鍾于關于虚 于龜皆存而不削何其辭費 數曰盟者春秋之所惡

次足日奉 白馬

聖人皆存而不削於以見屢盟而卒叛數會以卒離

春秋本美

冬十有二月公會宗公于閩口暫切 夏六月王寅公會紀侯苔子盟于曲池左氏作私公 十有二年春正月 多りでとる言言 杜氏曰閩魯地在東平須昌縣東南義見隱九年會 程子所定作紀今從 于防 其事可謂著明矣 杜氏曰曲池魯地魯國汶陽縣北有曲水專義見隱 卷五 羊紀

秋七月丁亥公會宋公燕人盟于穀丘 杜氏曰厲公也大意見隱七年滕侯卒の張氏曰去 月壬辰陳侯躍卒 應天府穀熟縣義見隱元年盟于蔑 耕趙氏曰居宋鄭之間杜氏曰穀丘宋地張氏曰在 張氏曰南燕姑姓國漢屬東郡今為滑州胙城縣存 年與柔盟于折不書葬魯不會不恤同盟也 元年盟于蔑 春秋本美

ここりき とう

冬十有一月公會宋公子龜 多穴四厚全書 公會宋公于虛 宗社人民而五出與宋會諸侯臨淮一國之民民不 杜氏曰龜宋地義見隱九年會于防。髙氏曰公委 杜氏曰虚宋地義見隱九年會于防 無事不得出其四境朝事天子則出境天子巡狩則 可一日不治則國不可一日去之故先王之法諸侯 出境方伯率諸侯以征伐則出境若無事而出境則 公羊作郯

故亟於求宋既而求鄭以為武父之盟而成伐宋之 鄭適有突之亂知其不足恃乃復從而伐之孰有立 役明年再會又明年復會其求於鄭者亦如是其急 盆亟矣蓋自隱以來我之相與為厚為薄者惟宋與 鄭黨鄭則伐宋善宋則伐鄭至即之戰懼鄭之謀己 矣及是復會于虚于龜皆宋地而公即之公之求宋 誅葉氏曰公始以柔會宗未幾復自會于夫鍾于闡 干穀丘夫鍾鄉地關魯地穀丘宋地也公之求宋函

少了ED 10 10 春秋本美

丙戌公會鄭伯盟于武父音茶 實也杜氏曰武父鄭地陳留濟陽縣東北有武父城 愚謂魯桓與宋兩盟四會不次旬而背之以盟鄭及 覆如是比事而觀其義自見義又見隱元年盟于蔑 鄭伯突也東萊吕氏曰突篡位而以君書之不没其 是以知桓之不終也 國如是而可久者乎暴戾則無親失道則寡援君子 0 張氏曰與人交之道忠信誠慤本乎中則有不期

たこりほから 莊鄭厲皆以篡國而立交相盟會紛紛離合惟利是 自若多事屢盟民不堪命如此之極也聖人傷之以 其離合正如是春秋詳書之以見王政不行魯桓宋 合而合者其人非有是心則其相與也不過以利合 也吕氏曰此年書盟會之數如此見諸侯無王放恣 視煩盟瀆信祗以長亂王法之所必誅而不以聽者 為世戒後之人君有意於善者其知慎始守約愛民 旦爭小利則相視忽如仇敵然公之會宋而盟鄭 春秋本義

丙戌衛侯晉卒 金只四周台書 十有二月及鄭師伐宋丁未戰于宋 為急以合聖人之意乎 言戰而不言敗績無大勝負也两年之閒六盟會宋 內不出主名微者也伐而言戰者宋不服而逆戰也 孫氏曰丙戌美文也此盟與卒同日耳經未有一日 宜篤好也一與鄭比則連鄭伐宋鄭突亦忘其立己 而再書者義見隱三年宋公卒

惡極矣義又見隱二年鄭代衛〇張氏曰兵法爭恨 之私恩而與魯比此宋不服以至於戰殘民毒衆華 者舉在彼戰于即是也往戰者舉在內戰于宋是也 宋亟爭尋常殘民暴骨兩舉之也康侯胡氏曰來戰 逆賊周有常刑皆戮餘也敢稱兵為戰見王法之不 及鄭師伐宋皋魯鄭也又書丁未戰于宋言魯鄭與 小故不忍愤怒者謂之憤兵魯桓鄭突此役是也書 存耕趙氏曰魯軌弑隱宋馮弑殤鄭突篡忽三者皆

九一日 Date Citation 一人春秋本義

==

侯熊人戰齊師宋師衛師燕師敗績 十有三年春二月公會紀侯鄭伯己已及齊侯宋公衛 其軍功大敗也公羊曰其不地於紀也趙氏曰內兵 也戰稱爵舉重也敗稱師君存而師敗也敗績者敗 此魯侯來會紀鄭也及者三國及之也無稱人微者 志欲滅之舉宋衛燕三國之師往伐之紀於是要魯 以紀為主外兵以齊為主華老孫氏曰紀為齊侵削

道恃強陵弱此以紀為主何也彼為無道以加兵於 禮也義又見隱二年鄭伐衛の康侯胡氏曰齊為無 恣甚矣杜氏曰衛宣公未葬惠公稱侯以接鄰國非 使無辜之民肝腦塗地皆鼻也見王政不行諸侯縱 倖一勝卒滅宗社其相從諸侯各逞私忿合黨報怨 鄭之君以為之敵愚謂齊吞小國連諸侯以伐紀自 已必有引咎責躬之事禮義辨喻之文猶不得免焉 取敗績舉不勝誅矣紀不量力又連魯鄭以戰雖僚

欠にの巨人

春秋本義

主

金灯口屋台電 三月葬衛宣公 **贼篡國之人也不能保其國自此戰始矣** 義見隱三年葬宋楊公 度德不量力不徵詞輕與齊戰而為之援者弑君之 同力度德動則相時小國讎大國而幸勝焉禍之始 與隣國之諸侯不如是而憤然與戰豈已亂之道乎 則亦固其封疆效死以守上訴天子下告方伯連帥 也息伐鄭而亡鄭勝蔡而懼蔡敗楚而滅今紀人不 卷五

大小口目 Actain 夏大水 天之所生以活人者也大而災焉陰冷之證也夏見 義見元年 0 存耕趙氏曰桓元年大水今又大水水 注洫由洫入川由川入遂以次疏導入河入江終至 能為之害或天時久雨則由畎注澮由澮注溝由溝 遂無水患但有其利故 年之豐凶一係農力水旱不 疆理天下正其經界有畎有淪有溝有油有川有遂 則妨農矣高氏曰自堯有洪水之患使禹治之禹能

秋七月 金月口屋台電 冬十月 悼井田之廢生民受其患無以拯濟之也 所驅無暇治田畝聖人書大水者上痛禹跡之亡下 於是遇大水而無以決遇大旱而無以溉民為兵戰 暴君汙吏壞其經界使畎淨溝洫之屬皆蕪而不治 遂之間通引其水以為灌溉又得其利焉春秋之時 於海蓋以決而不為災也或天時久旱則於溝澮

無冰 十有四年春正月公會鄭伯子曹 とこう! こた! 穀祭曰時燠也戴氏曰詩曰二之日鑿冰沖沖三之 義見隱九年會于防 0 髙氏曰公與鄭伯皆有篡逆 年十二月時燠無冰今年之春無冰可納春秋於是 十二月取冰正月藏之今桓公春無冰無藏冰也去 日納于凌陰二之日今之十二月三之日今正月也 之大惡天下所不容今相會于曹曹之容惡可知也 **東**以本義

多好四库全書 官凌人之職煩冰於夏固陰冱寒於是乎取其出之 無冰則總擊之春耳藏冰出冰俱在其中與傳二年 時而書之愚謂此年正月為公會鄭伯于曹而書若 春書無冰同蓋無冰不可繫月故也康侯胡氏曰周 致也 0 胡氏曰雨雹冰雪何以悉書天人一理也萬 天地之一事也今燠而無冰則政治縱弛不明之所 也實食喪祭於是乎用藏之周用之徧然亦理陰陽 三年書不雨之法同義與成元年二月襄二十八年

夏五鄭伯使其弟語來盟語報案作專 とこう え こして 制治於未亂慎於微之事也每謹於微然後王德全 矣黄氏曰諸家皆以周之正月為今之十一月十 為災而先書之也蓋至十二月無冰及春正月東風 月尤寒冰之有無方於此決未可遽以十一月無冰 月無冰為炎故書然使果十一月無冰則尚有十二 解凍終於無冰則無冰決矣始以災而書爾 氣也觀於陰陽寒暑之變以察其消息盈虚此 春秋本英

多定匹庫全書 ~~ 使之可也不命而使之徒曰弟爲皋之也來盟者盟 七年齊來聘此則盟以伉諸侯甚矣盟見隱元年盟 杜氏曰不書月闕文葉氏曰經成而後亡也愚謂此 于蔑此則篡賊之合黨甚矣の莘老孫氏曰春秋諸 及宣七年孫良夫皆稱使來盟前定也使其弟見隱 侯使其弟來者皆辜其不當使也第而可使則命而 其地盟於我之國都也存耕趙氏曰請會矣又請盟! 於魯也春秋主我使自外而至盟者書曰來盟不言

秋八月壬申御廪災乙亥嘗康刀錦切 ここう きしい 卒敢砚然草蕞即復祭之甚矣其忽天而慢祖也 0 者火之也當當而火其藥盛之藏以桓公平日得專 **焉突蓋德軌之排宗而黨已也來盟治盟彼此之解** 於天不敬其祖之所致也不知省身改過以荅天譴 耕以奉粢盛之倉也嘗祭名公羊曰秋曰嘗愚謂炎 公羊曰御廪者粢盛委之所藏也杜氏曰藏公所親 春秋本乾

一分定四庫全書 宋人以齊人蔡人衛人陳人伐鄭公年都人在蔡人上 冬十有二月丁巳齊侯禄父卒 義見隱三年宋公卒 災し亥嘗見其慢也 蓋以嘗之不謹而災於齊之日也趙氏曰譏不改卜 葉氏曰伐言以己不能敵假人以為用也愚謂宋怨 也獻可杜氏曰八年書再烝見其瀆也此年書御廪 存耕趙氏曰御廪之災在致齊三日之前春秋書之

齊衛在焉皆與宋同惡者也宋公不道執人之卿易 隱二年鄭代衞〇髙氏曰折之盟陳蔡在焉紀之戰 突之背己又有丁未之戰己己之敗績故用四國之 是復以齊蔡衛陳之兵伐鄭宋公之皋斯為尤重存 耕趙氏曰是摟諸侯以伐諸侯也齊子猶在哀疾相 人之君深怨突之背已而自量其力不足以加之於 私用之與私為之用以伐人國大亂之道也義又見 兵以伐鄭康侯胡氏曰列國之兵皆統乎天子而敢

大三日町 山田

春秋本義

白りでたとう 十有五年春二月天王使家父來求車 與從宋以與戎木訥趙氏曰出忽立实者誰叛己立 家父見八年孫氏曰諸侯貢賦不入周室財用不足 無辜突真薄德哉 鄭突忘立己之恩結魯以伐宋以致交怨報復殺戮 之而已疾之不仁哉宗莊也愚謂宗莊之罪著矣然 治也天子命貢賦於天下而無敢不從無有求也諸 也公年曰王者無求求車非禮也常山劉氏曰世之

隱三年求賻〇葉氏曰天子有賜無求諸侯有貢無 伐之正也不能伐之又從而求之器不足而求車用 與古者邦國九貢車有器貢用有貨貢諸侯不貢而 侯奉青賦於天子而無敢不恭不至於來求也世 服之求聖人所以甚之也張氏曰家父為大夫而無 反此書此以見王室之微而著諸侯之皋也義又見 不足而求金以是居人上非所以王天下也献可杜。 氏曰桓公篡立天子未嘗討之反屢聘之今又有車

大三日直 Air

春秋本羲

金分四周全書 夏四月己巳葬齊僖公 二月乙未天王崩 案此一見魯桓不奔王喪而會齊僖之葬二見魯桓 所正救奉使侯國自取辱命之皇 國不己四見桓王崩於此年而葬於六年之後也所 以嘉禮會齊侯於艾會宋蔡衛於曹三見諸侯之伐 為屬辭比事為春秋教者皆此類也豈徒記其死生 之變而己哉義又見隱三年

五月鄭伯突出奔蔡 髙氏曰魯不供天王之喪而會齊僖之葬其顛倒甚 突書名見十一年鄭忽出奔左氏曰祭仲專鄭伯忠 矣義又見隱三年葬宗穆公 父與夫孰親其母曰人盡夫也父一而己胡可比也 之使其塔雅糾殺之將享諸郊雅姬知之謂其母曰

Kalo i Liti

告祭仲殺雍糾尸諸周氏之汪公載以出曰謀及婦

春秋本美

Ŧ

遂告祭仲曰雅氏舍其室而將事子於郊吾惑之以

金好四庫全書 諸侯之奔皆不書所逐之臣而以自奔為名所以警 固不可以有國又初與權臣比而篡位又為反覆盗 臣乃自取焉耳本正而天下之事理矣 君而見逐其惡甚矣聖人之教在乎端本清源故凡 人宜其死也夏厲公出奔蔡張氏曰突以庶孽奪嫡 **华人君康侯胡氏曰其説是也夫君實有國而出於**

E/ 1.10 mm 1.11 1 突歸則忽出突出則忽歸突忽之逆順不難知而出 辭也二說相須乃備然本義則不在此存耕趙氏曰 請侯出奔言復歸諸侯世國者也雖失位不可絕也 年而不居位所以别於突而明正也何以言復歸月 葉氏曰忽何以稱世子言子則喪已除言爵則雖喻 邦衡胡氏曰復歸者既絕於國今始復來已失國之 人莫之違祭仲之事不可以訓也愚謂春秋書此見 惟蔡仲之為聽權臣擅國命而廢置其君舉國之 奉伏本美

金好四月全書 許叔入于許 公會齊侯于艾公年作都較果作高 杜氏曰許叔莊公第也愚謂許叔入于許事無可考 竊入而為君舉可知矣 國命也 天王失政而請侯肆諸侯失權而庶孽亂嫡大夫執 於先君誓於天子而後為諸侯許叔第也乘許之亂 以書法觀之必乘許之亂而謀篡者也夫世子受國

邾人年人萬人來朝年亡 侯切 次足四華上等 一 艾見隱六年髙氏曰魯當與齊絕矣自僖公卒襄公 杜氏曰牟國泰山牟縣張氏曰後為登州牟平縣杜 是與文養為鳥獸之行而桓公之禍兆於此矣義又 陵縣愚謂言人則三國之臣也三國以臣而行朝禮 新立至是復通好馬而齊裹居喪出會越禮畔道自 見隱九年會于防 氏曰葛國在梁國寧陵縣東北張氏曰後為拱州寧 春秋本美

秋九月鄭伯突入于樂 角り口屋と言 魯以弑逆之賊而安受旅朝之儀見當時禮制之大 壞矣 稱鄭伯嘗君鄭爾稱名已奔之君皆無他義也入于 陽程縣張氏曰後屬賴昌府左氏曰鄭伯因櫟人殺 檀伯而遂居樂愚謂突以庶孽奪嫡篡位五年天子 機竊入據邑也公羊曰機者鄭之邑也杜氏曰河南 方伯不治之又不能君而出奔既奔而又竊入據品

趙氏曰世子復歸于鄭突入于標两辭之間逆順見 惡自見矣〇程子曰鄭伯突入于標实非正也存耕 未得國其後卒君鄭實由樂而入許氏曰此詩所謂 矣于機未得鄭也然樂鄭之險邑猶制與京也突雖 終始亂鄭舉動莫非穿衛之謀春秋直書其事而奉 突入擦而已語曰機人實便鄭子不得其位言國邑 五公子爭立兵華不息者也鄭亂如此春秋弗志志 之大也忽失其政不能制突使斬鄭而居之以生民

大三日日 11年17

春秋本義

冬十有一月公會宋公衛侯陳侯于襄伐鄭家余支切 杜氏曰裏宋地在沛國相縣西南先行會禮而後代 愚案莊二十一年書鄭伯安卒則突終復篡位比事 而觀春秋之時亂可知矣 心此亂根也故君子略其枝葉使謹夫亂之所自生 與突其是非邪正亦明矣然昭公雖正其才不足以 詳信否義見隱三年鄭伐衞○康侯胡氏曰昭公之 也左氏曰會于哀謀伐鄭將納厲公也弗克而還未 卷五

十有六年春正月公會宋公蔡侯衞侯于曹 J. 3 否 趙氏曰宗馮前年方以四國之師伐突未幾突出忽 歸又以三國之師納突馮之無恒心可知矣未詳是 以結四鄰之援既入于櫟日以盛强諸侯不顧是非 君一國之人復歸於鄭日以微弱厲公雖篡其智足 左氏曰會于曹謀伐鄭也義見隱九年會于防 而計其强弱相與連兵動眾納篡國之公子也存耕 東文本民 Ē

夏四月公會宋公衞侯陳侯蔡侯伐鄭 多定四库全書 先蔡蓋當時諸侯皆以一切强弱目前利害為先後 黄氏曰冬伐鄭納突未克今再納突也未詳是否義 見隱二年鄭伐衞〇吕氏曰會于曹蔡先衞伐鄭衞 既出宋懼無所得又欲納之始鄭不和魯嘗以鄭代 也王氏曰突之未出也宋欲有所青故嘗代之突之 不復用局班春秋因事紀實以見當時之亂無復禮 宋及突既出魯又與宋代鄭反覆皆私也存耕趙氏

冬城向 秋七月公至自伐鄭 唐 風 孫氏曰助篡伐正踰時而返義又見桓二年公至自 亂宋公實為之宋為旨惡未詳是否 孫氏曰下言十有一月則城向在十月矣髙氏曰春 曰突 也馮也軌 也均篡賊也背公死黨奪攘矯度此 一倡而奪嫡亂國之事相踵於世高氏曰鄭國之 **影大队 篾**

秋有二向此我之邑木訥趙氏曰隱二年苦所入之一 伐既渡民於鋒鏑向之城復役民於畚鋪終歲勤動 向也計其後為苦所滅地在魯苔境上故城之魯苔 之爭自城向始未詳熟是義見隱七年城中丘此雖 其說反以為譏非時不知問之改正不過以建子之 漢儒言三正而杜預謂問之冬今之秋諸家遂一變 得時然違王制而勞民力故書〇存耕趙氏曰鄭之 民不得休息黄氏曰左氏曰書時也謂城以冬也自

多定匹庫全書

表元

בל היו לם נושו לו ליום 十有一月衛侯朔出奔齊 哉天豈以周建子而改冬為春也哉 將殺之壽子告之使行不可曰棄父之命惡用子矣 姜繼宣姜與公子朔構急子公使諸齊使盜待諸華 左氏曰初衛宣公烝於夷姜生急子屬諸右公子為 有無父之國則可也及行飲以酒壽子載其旌以先 之娶於齊而美公取之生壽及朔屬壽於左公子夷 月行朝饗之禮以示不沿商也天之四時豈可改也 春秋本義 艾

金片四周至書 未葬伐紀伐鄭觀春秋所書莫非悖亂之事其失國 公子點年惠公奔齊愚謂衛朔之奔兆於宣公鳥獸 之二公子故怨惠公十一月左公子洩右公子職立 盗殺之急子至曰我之求也此何辜請殺我平又殺 五年矣使能治其國家尚足以蓋前人之您而父喪 也宜義又見十五年鄭突奔蔡〇君舉陳氏曰此衞 行殺二子之時而成於朔為諸侯之後蓋朔之君衞 人立公子縣年而後出奔則其但書奔何以為自失

夫三·司臣 Aist 十有七年春正月丙辰公會齊侯紀侯盟于黄 矣公為黃之會以平之存耕趙氏曰魯不量己之力 國也春秋之法尚其道足以失國雖有篡公子亦以 齊鄭如紀謀欲襲之十三年紀與齊戰齊紀之憾深 杜氏曰黄齊地左氏曰平齊紀也却衡胡氏曰五年 自致之文書之是故衛立點年而朔出蔡人立東國 而邾出郕人立君而朱儒出書奔而己矣 不足以敢齊而輕挾紀以為戰今不知己之力不足 春秋本義

月西午公及都儀父盟于赴陸民曰或作及故知誤 髙氏曰紀懼齊之見圖每為之備而齊人多詐故為 盟之無益而攻伐隨之矣 退魯遂與齊戰于奚二年齊遂遷紀之三邑足以知 此盟示之以不疑俾之弛怠而不我慮是以尋盟既 以平齊而輕會齊以為盟義又見隱元年盟于蔑〇 杜氏曰趙魯地義見隱元年盟于蔑〇戴氏曰隱公

夏五月两午及齊師戰于異報渠作即公羊 文三甲年日 杜氏曰奚魯地愚謂齊擅與師其惡可知矣然魯遽 未數月即與宋衞伐邾 初與邾盟于蔑其後躬自伐邾桓公今與邾盟于趙 趙氏曰春盟而夏戰盟非信盟戰非義戰也孫氏曰 與戰則過矣故高氏曰二國春方盟會而夏遽交戰 彼與師而來則魯宣有以諭之凡戰由主人主人服 皋則不戰矣此書及齊人戰于奚又皋魯也〇存耕 春秋本美

秋八 六月丁丑蔡侯封人卒 金月口居台灣 莊九年及齊師戰于氧時僖二十二年及邾人戰于 季杜氏曰封人弟即獻舞也何氏曰獻舞之兄前説 義見隱三年宋公卒 升脛皆此義也 近是穀梁曰自陳有奉焉爾愚謂封人有子無子弗 可考今據經而論季以弟而倚陳歸國是不有天子 月祭季自陳歸于祭

癸巳莽蔡桓侯 たこう見 考父卒葬稱宣公宣十七年終侯中卒葬稱文公其 杜氏曰三月而葬速義見隱三年葬宋穆公此稱本 後書葬皆稱公者若葬景公靈公平公昭公唯封人 爵為得正但為私諡書耳。王氏曰隱八年經察侯 與先君之命也 侯昭侯蓋蔡人諡其君或公或 侯两稱之耳 邦衡胡 卒葬稱桓侯案左氏桓侯而下有哀侯景侯靈侯巫 N. FO 春秋本 莪 芨

金分四屆百書 及宋人衞人伐邾 請諡如何朱子曰只是文談 私為之也萬人傑問蔡桓侯文定以為蔡季之賢知 稱侯者亦臣子自諡爾書者見其稱公稱侯皆臣子 没者不復請諡於王五等壹稱公乃臣子之自諡此 氏曰生有點陟没有諡王者柄此以别臣下賢不肖 而使人有勸懲也晉侯仇卒於平王之時諡曰文侯 以諡加本爵足以知命於天子也是後周益衰諸侯

冬十月朔日有食之 とこり 見いま 蓋其為人瀆信而好盟不仁而住兵人理滅矣宜其 國之人代親附者所以見會盟無信而朝事不暇强 幸老孫氏曰邾前年來朝又此年盟于趙今遽帥 不踰年而見殺於齊也 氏曰桓公春與齊邾盟既而皆背之戰奚伐邾並見 大縱横而弱小見陵也義又見隱二年鄭伐衞〇張 一年之中反顧前日刑牲詔神王帛交錯如版展 春秋本莪 圭

金分四月百十 如本米盧寫切又力角切 一有八年春王正月公會齊侯于樂公與夫人姜氏遂 趙氏曰不書日或史有闕或傳寫誤義見隱三年 申繻曰女有家男有室無相瀆也謂之有禮易此必 相隨至齊故曰遂左氏曰公將有行遂與姜氏如齊 俱行至濼公與齊侯行會禮故先書會子灤既會而 杜氏曰溧水在濟南歷城縣西北入濟公本與夫人 敗公會齊侯于樂遂及文姜如齊齊侯通焉公詢之

とこう言 家道正夫不夫則婦不婦矣或者夫道也以乘御為 魯桓微弱不能防閉文姜至使注亂為二國患為亂 者齊姜而春秋舉桓公治其本也易曰夫夫婦婦而 天地之大義也今桓公不能內正夫人之位而與之 以告孫氏曰易稱女正位乎內男正位乎外男女正 外如强齊以致弑逆宜哉。康侯胡氏曰案齊詩惡 秋施於桓公見其用 才坤者婦道也以順承為事易著於乾坤述其理春 2. Li

夏四月丙子公薨于齊丁酉公之喪至自齊 金 只 四 屋 全書 薨于車 魯人告於齊曰寡人畏君之威 不敢寧居來 除之齊人殺彭生愚謂魯軌篡弒天子不征諸侯不 修舊好禮成而不反無所歸谷惡於諸侯請以彭生 其地於外也左氏曰丙子享公使公子彭生栗公公 凌小國背盟結怨點武殘民不奔王喪怠忽宗祀成 討魯人戴之為君被自侍其無誰何也於是黨亂賊 殺而書薨義同隱公杜氏曰不言戕諱之也穀梁曰

亂取賂儼朝同列身既不正家遂莫齊卒於於淫婦 孫于齊又莊公不書即位雖不明書齊人戕公而桓 内則不書地以存其實在外則不容不書其地而以 幸免王誅難違乎天矣春秋比書十八年之事而終 之禍夫姜氏諸兒之惡不待言而著矣然自作孽者 上下文見之此先與夫人姜氏如齊而明年書夫人 公之不得其死己昭然矣蓋本國之事書之與他國 之以此有以為永鑒哉○張氏曰魯君見弒有二在

史主四車全書

春秋本美

Ī

秋七月 冬十有二月已丑葬我君桓公 我君而後舉諡臣子之敬辭也義同隱三年葬宋穆 同則非所以見尊君親上之意是以桓公見殺不得 杜氏曰九月而葬緩也高氏曰稱我君別外喪也稱 章也愚謂此亦舊史之法仲尼因之云耳 不諱又當不沒其實以示後世之傳信故曰婉而成

